

Muhdú pámeere páné íñújìri ijcyáné miámúnaa meijcyáiyóne

Tujkénúeju

Íhyaamtì'pañétú caatúvané páné íñújìlne múnáadítyúu tsaate tsatsíhvú idyóbéévéne muhdú miámúnaa meijcyáiyóné pityácójcatsíne.

Ditsiééberédípye 10-ri 1948 ijcyáné pijcyábari tsaate páné íñújìlne túkevéjtsojtédítýú píhcyaavé ipítýácójcatsí muhdú miámúnaa meijcyáiyóne. Á;áné dobéévé "Naciones Unidas" néemeé. Aaméhjáa téijyu caatúnú 30-neva miámúnaa maávyejúúlléiyonéhjì. Aanéhjáa imí ìjtsúcunúnéllii néeme ténehjì páné íñújìlne múnáake iúúbállémeíki. Téhduréhjáa néeme ténehjì cáátúnúmeíháámì' pahúllevávú pámehdívúré itsújááve téhaami ditye patsìhjívávúré iééveki.

Á;áné boonétúhjáa íne méiíñújì' túkevéjtsojte téhdure ipíhcyáávéne néé páneere 30-neváa cáátúnúmeíne muhdú néhdu meijcyáiyóné méiíñújìri.

Aane ténehjì méwáabyuta ijcyáhi. Á;nehjì múu imííneúvú iwáájácúne tehdu ijcyáhi. Aane tsá múu íhdyivúré pícyootúne. Múu íñahbémudívú pajtyétsó ténehjì ditye iwáájácúne tehdu íjcyaki.

Pityájcoju ìhdénúmeíne

Muurá pámeere tsáápiitsa méboohówama meijcyane mewáájácúmeícyá botsíi máájíyúiniíyá muhdú imí meijcyáiyóne. Á;ánéllii tsá tsaate tsíjtyé hójtsì'pañe meícyáítyuró ìcubáhrádu. Tsá tsaate tsíjtyedi meíçubáhráítyuróne. Ìllure mépiáábójcatsíiyá pámeemáyé imí meijcyane tútávátsójcatsítyúme.

Á;rone teene méboohówá ijcyaróné mewáájácútúné nìjcaúvú muurá tsaate muhdú imí meijcyáiyódú ijcyatúme ìllure tsaatédí ìcubáhráhíjcyáhi. Aane ehdu ditye méenune pámeere miámúnáadivuro ímityúne. Muurá pámeere íñújìri ijcyáné miámúnaa méijyácunúrá tsaímíyé meijcyáiyóneri. Tsá múha méhdivu tútaválléítyuró meíhgyuvánee, ìná mecáhcujtsónee, íjcyane. Aame tsá ìlneri meíllityéítyuróne. Tsá pìhtójú pañe meijcyáítyuróne. Ehdu meijcyane pámeere miámúnaa imí méjtsúcunúhi.

Ehdu ímityúné medárlívéjcatsíiyóné ìhdétú ijcyáiyóné méema túkevéjtsojúúne. Muurá tsaate ímityúné meke méénúhajchíi téénej tééveri tsaímíyé méimíbáchójcatsíhi. Muurá tene ijcyátuca tsáijyu máavyéjujte ijcyarómema mémúnáátsójcatsíiyáhi.

Aane mewáájácucará téénej tééveri pahúllevá íñújìlne múnáama imí meijcyáiyáhi. Tsá tsaatéké menéhnílléítyuróne. Muurá pámeere miámúnaa íñújìri meijcyane méimíllé tsahdúré imí meijcyáiyóne.

Muuráhjáa 'Páné Íñújìlne Múnáá Pihcyááve' némeíne pañe tsúuca ìtsaavémé muhdú pámeere miámúnaa wajpíimúmayé walléémú meijcyane tsahdúré maávyejúúlléjcatsíiyóne. Aame mépiáábójcatsíiyá panéjcuvávú tsahdúré pámeere imí meijcyaki. Á;áné pityájcoju íne muhdú miámúnáake mépiáábóiyóné tsúuca méema íjcyáneri méwaaajácútsó páhduube cómíne múnáajpi méboohówama meijcyane ditye íávyejúúlléne icyáhcújtso imí íjcyaki.

Muuráhjáa 'Páné Íñújìlne Múnáá Pihcyááve' némeíne pañe íjcyane néé páhduube cómíne múnáajpi méboohówama, méjtsútuma, meijcyane maávyejúúlléjcatsímyé múhójtsì'pañe meijcyátuki. Aamée pítyácójcatsí muhdú miámúnáake ìpiááboíne imí ditye íjcyaki.

Aane ìmiááné tehdujuco pámeere wáájácúiyóné muhdú túkevéjtsoju néhdu meijcyane maávyejúúlléjcatsíiyóne.

Ahdícyane 'Páné Íñújìlne Múnáá Pihcyááve' némeíne pañe íjcyane néé ténehjì néhdu páhduube íñújìri ijcyáné miámúnáajpi méijcyáiyóné méwáabyuta tene íjcyanéllíihye. Á;áneri meljyacunúiyá muhdú tene néhdu meijcyáiyóneri. Á;hdure tsíjtyeke méúwáábóiyá méiíñújì múnáa íjcyátúróméhjì májuco ditye tehdu íjcyaki. Ehdu imí méijcyáiyá tsúuca teene mewáájácúme teenéi wáájácútúme pamévamáye.

Á;áné túkevéjtsojúúné ìllu nééhií:

1. Túkevéjtsoju

Pámeere íñújìri meijcyane tsá múhójtsì'pañe ìcubáhrádú meijcyáítyuróne. Pámeere tsahdúré imí meijcyane mewájýjcatsíne mépiáábójcatsíiyá tsaatéké éhdiívalletúme éhne múu mépañétúéne nahbémuma meijcyadu.

2. Túkevéjtsoju

Íne íhyaamífu muhdú tene cáátuvádú méijcyáiyá pamévamáyé memúnáa íjcyátúrómema. Tsahdúré méjtsúcunúiyá pamévakéré wajpíímuke, walléémuke, pahdúváré méjpííhañe menééromeke, pahdúváré meíhgyúvárómeke, muhdú Píívyéébeke cáhcújtsórómeke, tsáijyu múúne tsaate múhdurá

túkevéjtsojitédítyú íjtsámeíyómeke, tsííñé iiñújì múnáa íjcyárómeke, ìh̃tsútúmeke, ìd̃áátsórómeke, muhdiíwátsihjìwú tsííwávámeíyómeke; pámeekéré tsahdúré méjtsúcunúiyá tsaatéké éhdiíwálletúme.

Téhdure tsá múhdurá meijtsúcunúityuró tsáijyu múúne tsaate túkevéjtsojte múhdurá íiñújì múnáake túkévéjtsórómeke. Tsá ditye ítyaúhbajúúné múhdurá méénúróné pañe íjcyámeke meéhdíwálléityuróne. Tsáné iiñújì múnáa tsaaté hójtsì'pañe múhdurá íjcyárómeke tsá meéhdíwálléityuróne. Tsahdúré méjtsúcunúiyá iiye túkévéjtsómeíyómema diityéke.

3. Túkevéjtsoju

Páhdube imí méijcyáiyáhi. Á;ámeke tsá múha ìíñerí meke ipátsaríjcyómeke tútávajtsóityuróne.

4. Túkevéjtsoju

Tsá tsaate meke íhyójtsì'pañévú pícyoome ícubáhrádú meijcyame diityé ìicúve múnáa meijcyáityuróne. Tsá muucá miamúnáadívú menáhjiñénúityuróne. Eene tsáma ávyeta tsá ímíllémeítyúne.

5. Túkevéjtsoju

Tsá tsaatédí meicúbáhráityuróne. Tsaatéké meúwáábócooca chooco meúwáábóiyáhi. Tsá meméénúityuró iyáabeke múu méénudu.

6. Túkevéjtsoju

Páhdube miamúnáajpi iñe méiíñújìri ihdyícyátsii meijcyarómé téhdure méijcyá teene túkevéjtsojúúné pañe. Aame mépiivyété tsaatéké menééne méwáábyuta páme wáábyutaré tene íjcyane meke ipiááboki.

7. Túkevéjtsoju

Tsáné imibájchoju tsaatéma meméénúcooca tsá tsaatékéké mepiáábóityuróne. Pámeemáyé tsahdúré imibájchoju méénúmeíiyá muhdú imichi teene taúhbaju néjìjtóri.

8. Túkevéjtsoju

Pámeere miamúnáama imityúnéhjì'ímibájchoobe imibájchóiyá tehdiíwáne diityémá pájtyécooca muhdú taúhbaju néhdu tsaatéké éhdiíwállétuubére.

9. Túkevéjtsoju

Tsá tsaatéké peecútéré meékéévéne mecúvejáánúityuróne. Téhdure tsá peecútéré tsaatéké méiíñújìtu meijchívyétsóityuróne.

10. Túkevéjtsoju

Tsaate tsíjtyé hallúvú imityúnéhjì'ímibájchóóbeke úbálléijvu dííbye éllevu péémema imíñeúvúré imibájchóiyooobe muucá éhdiíwállétuubére. Á;rónáa ihdyu tsá díbye tsaatékéké piáábóityuróne. Méénúiyooobe muhdú teene taúhbaju néhdu tsahdúré pámeemáye.

11. Túkevéjtsoju

Tsaate tsíjtyé hallúvú imityúné úbállécooca tsá peecútéré menééityuro ìmíááné tehjújuco tene íjcyane. Tujkénú pañetu úbállémeíiyómé muhdú tene íjcyane imíñeúvú mewáájácuki.

Muráhjáa taúhbajúi imíñeúvú pánéévétúnáa tsaate múhdurá íjcyarómé hallurí tsá pahdu ìíná íjcyatúne. Á;ijyúu imityúné méénúomeke tsá icyooca íjcyané taúhbaju néjìjtóri meúwáábóityuróne. Méúwáábóiyá téijyúu íjcyané taúhbaju néjìjtóri. Á;rónáa ihdyu icyooca tsaate imityúné méénúhajchíí botsii meúwáábóiyá muhdú icyooca íjcyané taúhbaju néjìjtóri.

12. Túkevéjtsoju

Tsá tsaatéké ìíñerí mepátsaríjcyóityuróne; tsá tsaaté já mepátsaríjcyóityuróne; tsá tsaate tsíjtye éllevu wállóóné waajácúhááimí'meéévéityuróne; tsá tsaatédítyú néhnijyu mewááóityuróne. Ehdú nénéhì'íhdétú íjcyané méema taúhbajúúné páme wáabyuta meke tene ityéhmeki.

13. Túkevéjtsoju

Tsáné iiñújìri meijcyame mépiivyété mepééiyóné kiávú méimílléhullévu. Aame méijcyáiyá kiá méimíllétsihyi.

Murá pamévaré mépiivyété tsííñé iiñújìvu mepééiyóne. Aame méóómíiyá méiíñújìvu méimíllécoóca. Aane tsá múha meke tsáhájtsóityuróne. Murá mépiivyété mepééne méimílléhajchíí téhulle meijcyaki.

14. Túkevjtsoju

Muurá méiĩńǵı̂rı̂ ı̂cúbáħraméı̂ pañe meı̂jcyáhajchı̂ı̂ mépiıvyeté mepééıyóné tsı̂ı̂ńé iı̂ńǵı̂ıvu. Á;áné iı̂ńǵı̂ múnáa tsaîmı̂yé meke waatsúcúpéjtsóıyá imı̂ diıtyémá meı̂jcyaki. Tsá meke dıtye cátúhtsópéjtsóıtyuróne.

Á;rónáa tsáııyü múné méhdıtyúré ıjcyane imıtyú medáriı̂vémeı̂hıjcyámé ihdyu tsá mepııvyetétú tsı̂ı̂ńé iı̂ńǵı̂ıvu mepééıyóne. Awáárejuco iñe muhdú ihyaamı̂'pañétú tene néhdu meı̂jcyátúhajchı̂ı̂ muurá tsá mepééıtyuróne.

15. Túkevjtsoju

Pamévare miámúnáa meı̂jcyá tsáné iı̂ńǵı̂ múnáa. Aane tsá múha meke nééıtyuró tsáné iı̂ńǵı̂ múnáa meı̂jcyatúne.

Téhdure tsá múha meke peecúteré wállóóıtyuró tsı̂ı̂ńé iı̂ńǵı̂ıvu. Téhdure idyé tsá múha meke nééıuri tsı̂ı̂ńé iı̂ńǵı̂ múnáajpıyējuco meı̂jcyáıtyuróne.

16. Túkevjtsoju

Pamévare miámúnáa wajpıımumáyé wallémú piıvyeté ityáábávajcatsı̂ńé iééve úıjetétsihvu iımılléhajchı̂ııyü. Aame tsúuca tsája múnáa ıjcyame piıvyeté ıtsı̂ı̂maváne. Á;ánetu tsá múha diıtyéké tsáhajtsóıtyuróne. Tsá muhdú tene néétu muutéhı̂ı' dıtye ıjcyane, muhdú Pııvyéébeke dıtye úraavyéne. Muurá pámeere piıvyeté tyáábávajcatsı̂ńé. Aane diıtye táábávajcatsı̂mıyé avyējuúlléjcatsı̂ıyá tsahdúre. Téhdure wáágóójcatsı̂ıyómé avyējuúlléjcatsı̂ıyá tsahdúre.

Á;ánetu tsá muuca metáúhbáıtyuró dıtye ityáábávajcatsı̂ıki. Caatyé ityáábávajcatsı̂ńé imıllémé pañetu iıye iımılléhajchı̂ı̂ piıvyete ityáábávajcatsı̂ńé.

Muurá ihdyu pañetu meı̂jcyájuco teene tsája múnáa meı̂jcyane. Aame pámeere meı̂jcyá tsahdúré meıınuı̂ı'túkevjtsojı̂é túkevjtsojı̂ pañe.

17. Túkevjtsoju

Muurá pámeere tsáápiıtsa meı̂jcyátsı̂hı̂ma meı̂jcyáıyá meımılléhajchı̂ııyü. Téhdure tsaaté múnáa ilińǵı̂ma ıjcyáıyá iımılléhajchı̂ııyü. Aane tsá múha tsáhajtsóıtyuróne.

Aane tsá peecúteré múhdıtyú ııjcyátsı̂ı múha dójtúcúıtyuróne.

18. Túkevjtsoju

Pámeere miámúnáa mépiıvyeté muhdú meı̂jtsámeıdyú meı̂jcyáıyóne, kéjıjtóri Pııvyéébeke meúráávyéıyóne. Téhdure mépiıvyeté tsájıjtótú tsı̂jıjtóvú mepájıyéıyóne muhdú meımıllédu. Aame idyé mépiıvyeté ııná meı̂jtsámeıñeri, ııná mecáhcújtsóneri meı̂hıyúváıyóne mééréétsihvu. Téhdure mépiıvyeté medóbéévétsihvu tsı̂jtyeke meúwáábóné keená eúraávyejı̂ıto.

19. Túkevjtsoju

Pámeere mépiıvyeté ııná meı̂jtsámeıñé meı̂yújcaáyóıyóne tsı̂jtye iwáájácuki. Aane muhdú meı̂jtsámeıñé meı̂hıyúváné hallútú tsá múha meke tsáriıléıtyuróne. Muurá mépiıvyeté panévare mewáájane. Téhdure mépiıvyeté muhdú tsı̂jtyé ıjtsaméı ıjcyane mewáájacúné waajácúhaamı̂ńé meéévénej téeverı. Muurá idyé mépiıvyeté ııná meı̂jtsámeıñé mecáátunúne, meúwaabóne. Aane pámeere mépiıvyeté ihdyıcyáhı̂ıllévú tsı̂ı̂ńé iı̂ńǵı̂ınevú metsújaúcúne. Iñehı̂ı páneere mépiıvyeté meméénune mecáátúnúnerı, meı̂hıyúvánerı, panévarıyé muhdú meımıllédu. Á;áné hallútú tsá múha meke ııná nééıtyuróne.

20. Túkevjtsoju

Pámeere mépiıvyeté tsatsı̂hvú medóbéevené mepıtyácójcatsı̂ıki. Téhdure mépiıvyeté tsáha múnáa tsáné wákimyeı̂ meenuhá pañévú meúcaavéne.

Á;rónáa ihdyu tsá múha meke ávyeta táúhbáıtyuró tsáha múnáajpi meı̂jcyaki.

21. Túkevjtsoju

Pámeere mépiıvyéterá méiııńǵı̂ı'túkevjtsojı̂é ıjcyáha múnáa pañévú meúcaávéıyóne. Meere meúcaavéné mepııvyetétúhajchı̂ı̂ tsı̂jtyeke meméménúmeke mewáállóóıyá mecápayóóve.

Muurá pamévare mépiıvyéterá méiııńǵı̂ı'túkevjtsojte níwáávené wákimyeı̂háńé meméénúıyóne.

Muurá pámeere miámúnaaré mémenúme tsáné iı̂ńǵı̂ı'túkevjtsojte ıjcyáhi. Teene meenúme caatyéké ityújkevééllémeke téévéneúvúré imyéménúnerı. Aane tsá tsaatére pııvyetétú teene imyééñune. Muurá pámeere mépiıvyeté meméménúne. Á;rónáa tsá múha meke táúhbáıtyuró tsaate metújkevééllétúmeke meméménúki. Meere pañetu caatyé meı̂jtsúcunúmeke méméménúıyáhi. Téhdure idyé méméménúıyá tsaatéke muhdú meımılléjı̂ıjtori. Á;rónáa ihdyu imı̂ıneúvú tene ıjcyáııyódú

méméénúiyáhi.

22. Túkevjtsoju

Pámeere méhdi íjcyáiyóné ííne tájpi meíjcyane. Á;nejcútú méiíñúji'avyéjajte meke piáábóiyá ipíivyetédúneri. Téhdure tsíñéhji'íñújiíne múnáa dsiídsivámé meke piáábóiyá ííne tájpi meíjcyáiyóné meíjcyátsótúmeke. Aame ííhá meke piíhtótúme tsúúca imí mepánéévémedí tsá múha méhdi úúhívatéítyuróne. Ehdu méíjcyáiyá imí memúnáama meíjcyame meúraávyé méíhdé múnáaúvúu úráávyehíjcyánetu kéjítóji'imí meíjtsúcunújítóji.

23. Túkevjtsoju

Pámeere mépiivyté méwákímyéima meíjcyáiyóné. Á;rónáa idyé tsá téeneri ávyetá ícúbáhraméi meméénúityuróne. Aane teene wákímyéi túkévejtsómé tsaímíyé meke túkévejtsóiyáhi. Á;ánetu tsáijyu múúne tsaate íwákímyéima íjcyátúhajchíi pamévaré mepiáábóiyá téhdure íwákímyéima ditye íjcyaki.

Pámeere mépiivyté tsahdúré meújcúiyóné méwákímyéi áhdó muhdú mewákímyeííne tujkévevu.

Pámeere wákímyéi múnáa ííná íwákímyeííne áhdó újcúiyá téene tájpi ííííímema imí íjcyame íávyéjúúllémeíki. Aane tsáijyu múúne tsaaté wákímyéi áhdó úújetétúhajchíi tsíjítóriyéjuco diityéké tene áhdómeíiyóné tsijtye diityéké piáábóneri.

Pámeere wákímyéi múnáa piivyté idyóbéévéne ipityácójcatsíiyóné muhdú íwákímyéi tsíñéhjima íjcyane íímíbáávyétsoki.

24. Túkevjtsoju

Pámeere mépiivyté méwákímyéityúi tsárahja mewáyééévéiyóné. Aane tsá méwákímyéi mepátyéévétsóityuróne. Eevéíyé méwákímyeíiyáhi. Muurá téenélíi íjcyané téenetu mewáyééévehíjcyárahji. Á;rójcoojíji áhdó meújcúiyá téjcoojíji'mewákímyeítyúrónáaaca.

25. Túkevjtsoju

Pámeere mépiivyté tsaímíyé meíjcyáiyóné méétsíímema. Aame mejháhánema meíjcyámedítyú tsá majcho, wájyamu, tsíñéhji ííne tájpi meíjcyáiyóné piíhtóityuróne. Mechémecooca métaábímyeíiyáhi. Íjcyané tsíñéhji téhdure imí meke piáábóiyonéhji. Á;nejcúhjiu mépiáábójcatsíiyá imí tsaméhji' meíjcyaki. Tsaate íwákímyéima íjcyátúmeke mépiáábóiyá ditye téhdure íwákímyéima íjcyaki. Téhdure kéémemu, pííbáyyujte tsijtye ídátso néeme íwákímyeíiyóné píivyetétúmeke mépiáábóiyáhi.

Téhdure idyé walléémú éévájtema tsíiniéwuúmuke tsaímíyé météhméiyá imí ditye íjcyaki. Tsá apáámyéré imí ityáábávájcatsííne tsíímáváméj tsíímeke metéhméityuróne. Téhdure imí táábávájcatsítyúróméj tsíímeke tsaímíyé météhméiyáhi.

26. Túkevjtsoju

Pámeere mépiivyté waajácúhaamié miíféiyóné. Tsá tsíime waajácúhaamié íífetúme íjcyáityuróne. Imíllémeííne pámeere tsíime waajácúhaamié ííféiyóné. Aane tsá áhdómeítyúne. Téhdure pámeere mépiivyté éhniíñevújuco íjcyané uwáábovu meúcaávéiyóné méwákímyéima meíjcyaki. Tsá tsaaté wáabyutaré tene íjcyáityuróne.

Pámeere uwáábó íjcyá méwáabyuta meke tene wájácúúvetsómé pamévakéré maávyéjúúlleki. Aame tsá meéhdíiválléityuró tsíííne ííñúji múnáa, tsíjyúhjiiri íhyyuvámee, Píivyéébé icyanéjcu pahdúváré úráávyerómee, íjcyámeke. Á;ánej tééveri 'Páné Íñújiííne Múnáa Pihcyááve' némeímyé túkevjtsoju néhdu páhduube cómííne múnáajpi imí íjcyaki.

Muurá pámeere mépiivyté méétsíímeke keená imí meíjtsúcunúné ditye áábohíjcyátsihvu meúacóiyóné.

27. Túkevjtsoju

Pámeere mépiivyté muhdúhjáa méíhdé múnáaúvú icyahíjcyánetu imí meíjtsúcunújítóji' meúraávyéiyóné majtsíháne, nuutáhánema tsíñéhji imí nénehji. Á;néhjiu tsá múha meke píivyetétú íbóíjcyúiyóné. Téhdure tsíñéhji éhniíñevu mépiivyté mewáájácúiyóné méicyanéjcuene íjcyátúronéhji keená meke piááboiyonéhji'mewáájácuki.

Pámeere mépiivyté meméénúiyóné tsane, mecáátúnúiyóné tsané íjtsaméi. Á;néhji'hallúvú ímichi teene méénume dsiídstváiyáhi. Tsá tene ímíllémeítyú tsane meméénune tsijtye íékéévéne hallúvú dsiíkiístváiýone.

28. Túkevjtsoju

Pámeere tsíñéhji'íñújiííne múnáama mépiivyté meíjcyáiyóné túkevjtsojú paíne imí meíjcyaki. Á;ánéllíihyée muurá páhduube panévá íñújiííne múnáajpi idyóbéévéne meenú túkevjtsoju. Aane tútávájtsóiyóné taúhbaju muurá tsá íjcyatúne. Ehdu íjcyáiyóné muhdú íhyaamí'pañétú tene néhduú.

29. Túkevéjtsoju

Pámeere máhallúrí teene memúnáama imí meíjcyánetu meke piáabóné meméénúiyóne. Á;ánetu méwaajácúiyá ímíáané tsúúca mewájácuuvéjucóomé imí mepáneevéne.

Á;ánéllii tsúúca ijcyané mééma panévatúré meke túkévéjtsóiyóné taúhbajúúné pámeere tsahdúré imí meíjcyaki. Aame tsá metútávátsójcatsíityuróne. Pámeere pátsáricyójcatsíityúmé meíjcyáiyá tsahdúré imí meíjcyaki. Tsá múha píivyetétú íimillédú meke idyáriívéiyóné tehdu múhójtsi'pañé meíjcyámekéjjiívari.

Muuráhjáa iñe túkevéjtsojúúné néhdu tsaímíyé meíjcyáiyáhi. Aane tsá múha tsíhdyuréjtsóityuró 'Páne Iñújiíñe Múnáá Pihcyááve' némeiñé pañée íjcyame méénúné túkevéjtsojúúne.

30. Túkevéjtsoju

Páneere iñe íhyaarni'pañe ijcyané túkevéjtsoju méénúmeiñé tsá múha tsíñejcúvúré illléébóne íimillédú tsaatéké dáriívéityuróne. Tsáijyu múúne tsaápi, tsaáte, méiiñúji'túkevéjtsojte ijcyaróme tsá tehdu méénúityuróne.